

PENAMPAK ARI RUMAH SEMBIANG




Pelajar 8 ke May 25, 2024








“Kitai bisi Imam
Besai ti baka nya,
ke duduk muak ari
kanan kerusi diraja
Allah Taala ti
Pemadu Tinggi di
serega. Iya
bekereja dalam
langkau sembiang,
iya nya, dalam
langkau kain ti
bendar, ti didirika
Tuhan, ukai
didirika mensia”
(Hebrew 8:1, 2)

Lebuh Jesus enda datai ba taun 1844 baka ke dipadah ba nubuatan 70 minggu tauka nubuatan 2,300 hari. Ari nya nubuatan nya pen dipansik baru, lepas nya sida lalu tetemuka pekara tu:

Rumah Sembiang ke dituchi nya, ukai Penatai Jesus ti Kedua kali. Enti Daniel 8:14 enggau pengakim ba Daniel 7:9-10 madahka pekara ti sama, ni bagi rumah sembiang ke patut dituchi? Pia mega, pechara nama ke berengkah ba taun 1844?



-  Rumah Sembiang ti bendar.
-  Penuchi.
-  Pengakim.
-  Pengasih enggau pengelurus.
-  Luya enggau Pengentara.

RUMAH SEMBIANG TI BENDAR

"Iya bekereja dalam langkau sembiang, iya nya, dalam langkau kain ti bendar, ti didirika Tuhan, ukai didirika mensia." (Hebrew 8:2)

Enti Rumah Sembiang ti deka dituchi nya ukai dunya, nama nya deh?

Lebuh ke belajarka Bup Kudus lepas pengasa taun 1844, dia orang Adventist tetemuka Rumah Sembiang nya bisi dua bengkah:

Rumah Sembiang ba dunya, kelemayang Rumah Sembiang ke bendar (Heb. 8:5)

Rumah Sembiang serega, didirika Allah Taala Empu (Heb. 8:2)

Rumah Sembiang ti terubah, enggau ke nangkanka nya, datai ngagai taun 70 AD, didiri neladan chunto ke dipandang ngagai Moses (P-sut 25:40). Lampu enggau Imam Besai ke dalam Rumah Sembiang tu endang ngelambangka Jesus (John 1: 36; Heb. 4:14).

Keterubah, Jesus nyerahka diri lalu muai penyalah kitai (Rome 5:8), lalu kedua, Iya nyadi seruan kitai, ngelepaska kitai ari kuasa dosa, lalu netapka penyelamat kitai (Heb . 7:25).





RUMAH SEMBIANG DITUCHI



"Nya meh chara iya nuchi Langkau Kain TUHAN ari pengamah orang Israel, enggau ari semua dosa sida" (Lewi 16:16)

Taja dosa orang Israel ulih diampun lebuah ke ngenjuk piring genselan, dosa sida nya lalu dipindah ngagai Rumah Sembiang. Ari nya Rumah Sembiang nya, enda tau enda dituchi. Pekara tu nyadi lebuah Hari Penebus, ke mengkang dikelala orang Judah datai ke sehari tu, lalu disebut sida hari pengakim.



Genap iku orang deka ngemaruh ke diri empu (Lewi 23:27)



Nadai pengawa dunya deka dikereja sida (Lewi 23:28)



Imam besai datai ngagai mua Allah Taala (Lewi 16:12-13)



Peti semaya, tabir, enggau alta mas deka dituchi ngena darah kambin (Lewi 16:15-19, 33)



Siku kambin ti idup deka diasuh ngema penyalah lalu dilepas ba menua puang (Lewi 16:20-22)



Pengujung iya sida pen lalu tuchi ari dosa (Lewi 16:30)

Enti bisi orang enda tusah ati sereta nesalka penyalah diri, orang nya deka dibuai sehari nya (Lewi 23:29-30). Nya meh naka nasip iya agi ulih idup. Baka nya mega, lebuah Rumah Sembiang serega tembu dituchi, kitai mega deka betunga enggau nasip ke sama. Nya alai, sehari tu meh timpuh kitai nesalka penyalah, sereta mutuska runding diri (Heb. 3:14-15).




PECHARA

"Ku iya bejaku enggau nyawa ti inggar, 'Nangika Allah Taala, lalu pujika mulia Iya, laban maya udah datai alai Iya deka ngakim. Sembah meh Iya ti udah ngaga serega, tanah, tasik enggau mata ai' " (Pemandang 14:7)

Nitihka dipadah ba nubuatan, Rumah Sembiang ke dituchi tu meh ke disebut hari pengakim, lalu pekara tu udah nyadi kenyau ari taun 1844. Berengkah ari timpuh tu, gerija Adventist udah enggau nyawa ti nyaris bendar madahka timpuh pengakim udah datai, lalu semua orang dikangau ngambika nyembah Petara sereta idup nitihka pesan Iya (Pem. 14:7).

Kati enda ke hari pechara nya deka nyadi lebu penatai Jesus ngagai dunya (1 Ban. 16: 33;2 Tim. 4:1)?

Lebu Jesus datai, iya lalu bejalaika pengawa nitihka pemutus pechara ke udah diatur, mai upah ngagai "genap iku orang, kena mayar iya nitihka utai ti udah dikereja iya" (Pem. 22:12); ngasuh bala melikat Iya ngempuru ke orang ke udah dipilih (Mat. 24: 31); sereta ngangkatka orang mati ke arapka Iya (1 Tim. 4:16). Orang mati ke nadai arap enda diangkat sereta enda mega diakim lebu maya tu (Pem. 20:4-5).



PENGASIH ENGGAU PENGELURUS

"Udah nya siku ari peturun David deka nyadi raja, lalu iya deka merintah bala nemiak iya ngena ati ti tetap enggau pengerindu. Iya deka jampat ngereja utai ti ngena, lalu iya deka meri atur ti lurus." (Isaiah 16:5)

Pesan 10 ke diengkah dalam peti semaya ngelambangka tatak pengakim Allah Taala (*P-ajar 12:13-14*). Penuduk pengasih ke diengkah antara undang-undang enggau Allah Taala ke bisi ba endur nya, ngelambangka pengasih ari Iya (*1 John 2:1-2*).

Darah Iya ke dipechikka
ba alta piring tunu



Jalai nuju ngagai
Rumah Sembiang
serega berengkah ari ti
nerima piring genselan
Jesus

Darah Iya ke dipechikka
ba alta menyan




Ngelambangka
pengidup ti seruran
besaum enggau Kristus

Darah Iya ke dipechikka
ba tabir ari mua peti
semaya



Nyimpulka lebuw maya
kes kitai dibai ngagai
mua akim





Pengelurus ba pengakim tu begunaka penaluk ti penuh ba undang-undang.
Pengasih tu, ngengkahka pengidup Jesus ti sempurna ba pengidup kitai ke bedosa
(*1 Pet. 1:18-19; 1 John 4:17*).

LUYA ENGGAU PENGENTARA

"Nya alai Iya ulih, ke diatu enggau ke belama-lama iya, nyelamatkan orang ke datai ngagai Allah Taala, ulih Iya, laban Iya idup belama iya lalu bejaku ngarika sida ngagai Allah Taala" (Hebrews 7:25)

Pengidup Jesus ngayanka pengasih Allah Taala ngagai dunya enggau dunya-dunya bukai ke merati. Pematil ya nerangka dosa nya balat jai, sereta meri penyelamat ngagai semua mensia. Iya ti nyadi pengentara ba Rumah Sembiang serega meri penguntung penebus ngagai genap iku orang ti deka nyambut nya ngena pengarap.

Sepanjai timpuh pengakim (pechara), Jesus meh ke nyadi luya (lawyer) kitai (1 John 2:1).



Pengawa Jesus ba rumah sembiang serega ngajar kitai:

- Penemu ke terang pasal perambu penyelamat
- Utai ke dipinta undang-undang Allah Taala
- Rega penyelamat kitai ke enda ulih dikira
- Jalai ke dibuka Jesus ngambika kitai ulih datai ngagai Apai
- Penetap kitai datai enggau nadai penanggul ngagai Apai

Enda lama agi timpuh pengakim deka tembu lalu Jesus deka datai ke dua kali, lalu Iya nadai agi penanggul kategal dosa lebu ti nyelamatkan orang ke nganti penatai Iya (Heb. 9:28).



“Lebuh maya bup-bup rikot dibuka lebuw timpuh pechara, pengidup semua orang ke arapka Jesus lalu diperesa ba mua Allah Taala. Berengkah ari orang ti terubah idup ba dunya, luya kitai ngayanka kes ba genap iti serak betangkan-tangkan, lalu ditutup enggau kes orang ke idup. Tiap iti nama disebut, tiap iti kes dipansik enggau silik. Nama-nama orang diterima, lalu nama-nama orang ditulak. Semua ke enggau bebendar nesalka penyalah diri, lalu enggau pengarap ngaku darah Kristus nyadi ke genselan, pengampun lalu dipasuk ngagai nama sida ba bup serega, laban sida udah bisi bagi ba pengelurus Kristus, ulah sida mega dipeda sejalai enggau undang-undang Allah Taala, dosa-dosa sida deka dibuai, laban sida dianggap layak nerima pengidup meruan.”

“Diatu kitai benung bediri ari luar rumah sembiang, nganti pengadang ti beberekat, ianya Tuhan kitai Jesus Kristus ti deka pegari enggau mulia. Ba pengawa Iya ti nyadi seruan kitai, Kristus nadai begunaka pemanah mensia, nadai begunaka pengentara mensia. Laban semina siku Iya aja meh ke nyadi pengema dosa, enggau piring genselan ke dosa. Sampi enggau pengakuka dosa semina diberi ngagai siku Iya aja, ke udah tama sekali aja ngagai endur ti pemadu kudus. Iya deka enggau penuh nyelamatkanka semua orang ti datai ngagai Iya dalam pengarap. Iya endang seruran idup nyadi seruan kitai.”

EGW (Jesus Our Advocate, November 1)